

歷世真仙體道通鑑卷之二十

河十

浮雲山聖壽萬年宮道士趙道一編修

千吉

千吉者琅琊人也一云北先名室後改名吉其父祖世有道術不殺生命吉精苦有踰於昔人常遊曲陽流水上得神書百餘卷皆赤界白素青首朱目號曰太平青領書時漢成帝河平二年甲午也蓋吉親受於老君今道家太平經也其經以甲乙丙丁戊己庚辛壬癸為部每部一十七卷一云吉忽得痼疾經十餘年百藥不愈乃晨夕焚香哀告上天願賜救度老君感其精誠乃令仙人帛和為賣藥翁行市中授之經且曰卿得此書非但愈疾而已當得長生化行天下吉乃拜受其疾頓除老君復降親授其旨遂編前經成一百七十卷吉得其旨遂以修身養性消災治疾無不驗者其要曰夫人之生也天付之以神地付之以精神和付之以氣人能保精愛神護氣內則致身長生外則致國太平又曰人臣之行當上愛其君欲其長生為人子者當

念父母畏其將老風化其意使之入道常為求索奇方殊術以奉君親為人弟子者當念錄師恩夫人生於父母成道德於師得尊榮於君每念君父師將老無以復之或行學更事賢明求奇方異法而資益之此乃應太古上皇最善忠臣孝子順弟子也人皆為之則天下太平矣有心之人所作皆善言行精實心自克責灑心易行感動於上受天施恩報言報謝精專不怠得致神仙其方曰吾字十一名為士丙午丁巳為始祖四口治事萬物。理子巾用角治其右潛龍勿用坎為己人得見之壽長久居天地間浩而已治萬百人仙可待善理病者勿輕給藥莫樂於長安市使人壽若西王母比若四時周反始九十字策傳方士蓋神丹奇藥可以奉君父師者焉又出科戒祭酒之法以付吉吉後奉經行道分布弟子置男官女官廣化人民四方歸嚮後孝章皇帝元和二年老君復降詰責吉曰吾前投汝道助國扶命憂念萬兆而自頃以來諸男女弟子託吾位號貪財縱欲驕倨自大

嫉賢妬才更相是非皆不當爾故來語汝吉稽首伏地叩頭百下曰唯唯願太上教既往之罪容臣修將來之善從今日已往不知當何以救諸男女弟子之違責老君曰汝善聽教人生雖壽萬年不持戒律與老木久石何異寧一日持戒為道德而死不忍犯戒而生持戒者上補天官尸解昇仙世人雖為王公上至帝皇脫有重罪無益魂神可不痛邪明奉吾戒以教授之乃為說一百八十戒訖又語吉曰往古先聖皆從此得道道本無形從師得成道不可廢師不可輕吉稽首受命再拜而謝吉後寓居會稽孫策平江東進襲會稽見士民皆呼吉為干郎事之如神策招吉為客在軍中將士多疾病請吉嚙水輒差策將兵數萬人欲迎獻帝討曹公使吉占風色每有神驗將士咸崇仰吉且先拜吉後朝策策見將士多在吉所因怒曰吾不如干君邪乃收吉責數言曰天久旱水道不通君不同人憂安坐船中作鬼態東吞將士敗吾部由今當相除即縛吉暴日中使詣雨若能感天

今日中大雨則相原不爾加誅俄而雲與雨
靈江中漂泛將士共賀言策遂殺之將士涕
泣收莫明且往視俄失其尸策大懼恨從此
常見吉在其前後後策尋為許真伏客所傷
照鏡見吉在鏡中策大驚因捨鏡大斗曾刺
裂而死混元實錄云吉尚周旋人間百餘年
然後仙去

道一曰道德經曰夫佳兵不祥之器物
或惡之故有道者不處于吉祖父慕道而
躬自勤苦有踰前人乃致身軍旅之中而
為孫策所殺雖曰兵解也然使于吉退藏
於密積行累功又安知不證飛昇之品手
後之學仙者當以處佳兵為深戒

官嵩

官嵩者琅琊人也。有文才著書百餘卷師事
仙人于吉漢元帝時嵩隨吉於曲陽泉上遇
天仙授吉青練朱字太平經十部吉行之得
道以付嵩後上此書書多論陰陽否泰災音
之事有天道地道人道云治國者用之可以
長生此其旨也嵩服雲母數百歲有童子之

色後出入紆嶼山仙去矣

王道真

王道真漢時人得道於鬼谷山東古柏臺常
有白雲出於臺中遠望如百尺樓道真常乘
此雲遊戲山頂暮歸臺中白雲亦歛入此臺
中即荊州北清溪鬼谷山也或謂此為臺非
也

王玄甫

上仙姓王名玄甫漢代東海人也師白雲上
真得道一號華陽真人六月十五日降世十
月十六日上昇不記是何朝代後傳道與鍾
離覺即正陽子鍾離權之所著文辭隱而不
傳世有詩一章載混成集其詩曰華陽山裏
多芝田華陽山史復延年青松巖畔高柯下
白雲堆裏飲飛泉不寒不熱神蕩蕩東來西
往蒸綿綿三千功行好歸去休向人間說洞
天大元至元六年正月襄陽東華紫府少陽
帝君

荊子訓

荊子訓二百餘年顏色不老曾抱鄰舍嬰兒

誤墮地死兒家即埋之子訓自外來抱兒還
之家恐是鬼子訓掘視所埋但泥而已漢時
京師貴人莫不虛心欲見既到京師公卿以
下候之者座上常數百人皆為設酒脯終日
不匱一日太學諸生詣請子訓以食時
發日中到未半日行千餘里往二十三處詣
貴人喜自謂先詣之明日相問各言子訓衣
服顏色如一遠近驚異後因避去遂不知所
止初去之日惟見白雲騰起數十處行人於
長安東霸城見之與一老公共摩娑銅人相
謂曰道見鑄此而已近五百歲矣見者呼之
曰荊先生小住並行視若遲徐而走馬不及
出後仙傳云荊子訓齊人舉孝廉除郎中又
為都尉人莫知其有道所載他事畧同

王喬

王喬者河東人也漢明帝為尚書郎出為葉
縣令漢法畿內長吏節朔還朝喬每月朔旦
常自縣詣臺朝帝怪其來數而不見車騎密
令太史伺望之言其臨至輒有雙鳧從東南
飛來於是候鳧至舉羅襪之得一隻焉焉乃

詔尚方診視則四年中所賜尚書官屬履也
 每當朝時葉門下鼓不擊自鳴聞於京師後
 天下王棺於堂前吏人推排終不搖動焉曰
 天帝獨召我邪乃沐浴服飾寢其中蓋便立
 覆宿昔莫于成象自成廣其夕縣中牛皆流
 汗喘乏而人無知者百姓為之立廟號葉君
 祠吏人祈禱無不如應若有違犯亦便見禍
 或云即古仙人王子喬出後祠後改號見觀
 屬汝州

壹公

壹公不知何許人也常賣藥懸一壺於肆頭
 及市罷跳入壺中市人莫之見惟汝南人費
 長房於樓上觀之異焉因往拜奉酒脯公
 知長房之意其神也謂曰子明日更來長房
 一日復詣與俱入壺中惟見玉堂華麗首酒
 嘉穀盈衍其中共飲畢而出公曰我神仙之
 人以過見請今當去能相隨乎樓下有少酒
 與卿為別長房令十人扛之猶不舉翁笑以
 一指提上視器如一升許二人終日飲不盡
 長房遂欲求道而顧家人為憂翁乃斷一青

竹度與長房身齊使懸之舍後家人見之即
 長房形也以為縊死大小驚號遂殮葬之長
 房立其傍而莫之見也於是遂隨從入深山
 踐荆棘於群虎之中留使獨處長房不恐又
 卧於空室以朽索懸一千斤石於心上衆蛇
 共來齧索且斷長房亦不移翁還撫之曰子
 可教也復使食糞糞中有三蟲臭穢特甚長
 房意惡之翁曰子幾得道恨於此不成如何
 長房辭歸翁與一竹杖曰騎此任所之則自
 至矣可以杖投葛陂中也陂今在豫州新蔡縣又為作
 一符曰以此主地上鬼神長房亦杖須臾來
 歸自謂去家適經旬日而已十餘年矣即以
 杖投葛陂觀視則龍也家人謂其久死不信
 之長房曰往日所葬竹杖爾乃發塚剖棺杖
 猶存焉遂能醫瘵來病報答百鬼至驅使社
 公或在坐獨自悲怒人問其故曰吾責鬼惡
 之犯法者爾又嘗坐空而使至宛市鮮須臾
 還乃飯或一日之間人見其在千里之外者
 數處焉後失符為鬼所殺出後道傳云汝南
 麻蕪常有惡偽作太守章服詣府門徒鼓者

郡中惡之時鬼適來而建長房為禍府君惶
 懼不得退便前解衣扣頭乞活長房呵之云
 便於中庭正汝故形即成老龜大如車輪頭
 長一丈長房付其一札以勅葛陂君懸即扣
 頭流涕持札植於陂邊以頸繞之而死後東
 海君來謁葛陂君因誣其夫人於是長房劫
 繫之三年而東海大旱長房至海上見其人
 請雨乃謂之曰東海君有罪吾前繫於葛陂
 今出之使作雨也於是而立靈長房曾與人
 共行見一書生黃巾被裘無鞍騎馬而下扣
 頭長房曰還他馬救汝罪問其故長房曰此
 但也盜社公馬爾長房又能縮地跡數千里
 率至前宛然具足吳均續齊諸志云汝南桓
 景從費長房學長房謂曰九月九日汝家當
 有災急令家人縫絳囊盛茱萸繫臂上登高
 飲菊花酒此禍乃消景從其言舉家登山夕
 還見雞犬一時暴死今人九月九日登高蓋
 本是也今建寧府有登高山存焉丹臺錄云
 壹公姓謝名元一又與化軍有壹公山昔有
 人遇壹公引至山頂見宮闈樓殿曰此壺中

日月也又有臺公廟存焉一云蔡州懸壺觀
即費長房舊隱有懸壺樹信州靈陽觀亦云
費長房竹杖化龍處未知其故也

華陀

華陀字元化漢時沛國譙人通數經曉養生

之術年且百歲而猶有壯容時人以為仙沛
相陳珪舉孝廉太尉黃琬辟皆不就請於方
藥處劑不過數種心識分錄不假稱量針灸
不過數處若疾結於內針藥所不能及者乃
令以酒服麻沸散既醉無所覺因割破腹背
抽割積聚若在腸胃則斷截瀉洗除去疾癒
而縫合付以神膏四五日創愈一月之間皆
平復廣陵具晉彭城樊阿皆從他學並依準
他療多所全濟出後漢書

青谷先生

青谷先生者不知何許人也常修行九息服
氣之道後合煙火大丹服之得道

劉文鏡

劉文鏡者弘農劉寬也少好道曾舉漢方正
稍遷南陽太守視民如子怒不形顏口不疾

言行陰德極寒困萬民悅而附之如父母焉
後為司徒太尉上賜酒伏地睡詔問故乃答
曰臣任重責大恒憂心如醉旦使奴至市買
菜而奴盜用錢飲酒晏乃還卧於閣內又不
得菜既醒乃罵之為死狗罵畢即束帶來入

恐奴從後自殺所以慮之不免忽然睡爾願
見哀恕寬用心仁愛觸類如此矣年七十三
一旦遇青谷先生降之於寢室授其杖解法
去入太華山行九息服氣及授以煙火丹方
修之道成今在洞中作童初府帥上侯主始

學道者出真誥注云劉寬字文鏡弘農華陰
厚常行人父名崎順帝時為司徒寬為人謹
厚常行與人交牛乃就寬車中觀之寬無言
解駕牛與之步歸頃有盜者得牛而送還
惟寬乃指之曰此牛五年為太尉當於御座
前被用爾後帝問大尉曰卿嘗言不取
爵位任重責大憂心如醉又嘗有客來詣寬
寬遣奴市酒遣大尉而還客罵為畜產為
辱我甚故吾懼其死耳後封述鄉侯六百戶
中平二年亡年六十六歲車騎將軍時述
曰此計使子松明密此說復為同異故詳載

道一曰劉文鏡任於漢朝視民如子蓋
道德之發越於外也觀其為政怒不形顏
口不疾言好行陰德極濟寒困其可為萬

世隱朝市而修仙者之標表大抵積功累
行亦在茲也道德經曰聖人無常心以百
姓心為心善者吾善之不善者吾亦善之
德善豈非劉文鏡之謂乎

趙威伯

趙威伯東郡人也少好道受素於邯鄲後先
生晚在中徽授玉佩金璫經於范丘林乃是
漢樓船將軍衛行道婦也學道得仙遂授行
挹日月之道服九靈明鏡之華得道來入華
陽內為保命丞河圖云吳楚多有得見太平
者語人云此語不虛此驗不久其所存明鏡
非世間常法又善爾聲若銜風之擊長林衆
鳥之群鳴時在天市壇上長爾呼風須臾雲
翔其上或冥霧四合零雨其濛保命有四丞
威伯主仙籍并記學道者并暴雨水靈芝草

樂長治

樂長治東郡司命君鄉里人也仕漢桓帝至
中書侍郎後師中徽李先生受步七元法修
之得道入華陽內為保命丞

劉根

劉根穎川人能令見鬼隱於嵩山穎川太守杜新聞之以為妖訛召至郡新謂根曰君有何能而常感衆根曰僕能令人見鬼新曰今即試看若無鬼汝當見誅於是根左顧而笑須臾新之亡父母悉反縛於伊前鬼乃責曰

汝為人子不能光益我因何累及亡人仍語新曰可急謝過於劉先生新乃泣涕扣頭謝根俄頃根與鬼俱不見莫知所之不日新亦卒或云劉根常服棗核中仁百邪疾不復干後漢時人皮日休與毛公泉詩云劉根昔成道故鳩四百年純純被其體號為綠毛仙因思清泠汲鑿彼半嶺巔五色既煉矣一勺方

鏗然既用文武火俄窮雄雉篇亦鹽橫紅霧日華乘素煙服之生羽翼倏爾冲玄天真隱尚有迹厥祀將近千我來討靈勝到此期終焉滴若破實淨深餘梵圓澄如玉髓深泛若金精鮮顏色半帶乳氣味全和鉛飲之融痞塞濯之神俱變有時執者觸彼忽風雷顛素纒絲不短越髮腹甚便汲時月液動擔處水漿旋大獻大司諫置之鈴閣前清如介潔

性滌此掃蕩權委背野人與亦思侯伯儕也知飲水苦願受一餅東南嶽總勝集云劉根先生修大洞帝乙之道遊官四方為政有德晚歸南嶽之東峯煉真朝斗服氣祭神而玄化

中山劉偉道漢時人學仙在滄塚山積十二年仙人試之以石重十萬斤一白髮繫委之使偉道卧其下偉道心安體悅了無憂怖卧在其下十二年仙人歎試之無所不至遂賜神丹白日昇天

劉偉道

夏獲字子治陳留人也少好道常服术和雲母後入具山從赤須先生授煉魂法又遇桐柏真人授之黃水雲漿法行之得道獲少時被公府辟召懸碑書於桑樹乃去其高邁如此道成爲明晨侍郎後漢及高士傳並云得神華直言不就性實直不同時靈爲聞人所

夏獲

此道成爲明晨侍郎後漢及高士傳並云得神華直言不就性實直不同時靈爲聞人所出山中人相告作後選家社門不

范幼冲出山中人相告作後選家社門不

范幼冲遠西人也曾爲漢尚書郎善解地理受胎化易形之道常且存青白赤三氣各如縱從東方日下直入口中把之九十過自他便止行之十年身中自有三色之氣遂得神仙此高元君太素內景法真語云范監者即其人也昔得為童初監今在華陽中

鍾離簡

鍾離簡後漢人爲郎中與弟權俱入華山三峯得道後道備白日昇天歷世真仙體道通鑑卷之二十